

正德汝州志

地 150, 289

1274

新三: 1~3

河南汝州志序

置州縣以治民古制也而州實以隸乎縣

國朝因之而又以州隸於府志之為言記也州之有志蓋以記州治及所隸縣治及一切公署城池學廟壇壝橋梁鋪舍山川人物民風土俗之類與夫賢人君子之詩若文不有志焉徒

托諸口耳其人存則與之俱存其人亡則亦隨而亡矣安能久哉汝之為州又非他州之可比蓋諸夏在四夷之中河南在諸夏之中汝州又在河南之中近又獨隸於

布政使司與開封河南南陽汝寧懷慶衛輝彰德七府頡頏况四面環拱皆山也而汝水自西徂東橫流於其



中地靈人傑賢才輩出所謂賢人君子或生於汝或仕於汝一時文章政事皆足以維持世道其治功其風化信有可稱道者庸可以無志乎弘治甲子秋八月雄承乏來知州事欲效前修故首以州志詢於衆咸謂舊志踈漏且散失久矣本州先任官同知及儒學先任任學正皆嘗編輯未遂

厥志近者儒學訓導承天貴又踵而編輯之不知何如及取而觀焉功過半矣雄於是偕同僚同知徐衍張邦瑞判官高舉開館於寶應寺設供具延請碩儒若致仕同知姚綸知縣何讓及本學學正徐資訓導羅祐與天貴聚於一堂會而採遺言拾故事又各出已見日相討論鑽研及三月餘

會既徹天貴退處於獨又叅衆見而採擇焉於其妄誕不經者刊而去之獨錄其明顯易見有實迹可考據者筆削反覆至再至三始脫稿而成編資又取而讎校斤正之俾無差訛噫是志一成上有以顯前修之事功下有以啓後人之景仰不為無補於名教而官與任二公未遂之志亦少慰矣雄於是侵諸梓以永其傳因叙其事之始末於簡首云

正德元年冬十二月十有一日賜同進士出身奉訓大夫汝州知州前行人司行人永清王雄書

汝州志目錄

圖

州境

州城

郟縣境

魯山縣境

寶豐縣境

伊陽縣境

卷之一

沿革

分野

形勝

疆域

城池

鄉保

村店

軍屯

橋梁

卷之二

山川

古蹟

街坊

鋪遞

卷之三

戶口

田賦

課程

物產

風俗

景致

卷之四

州治

公署

學校

壇壝

祠廟

寺觀

陵墓

卷之五

名宦

卷之六

人物

流寓

孝節

仙釋


卷之七

詩


卷之八

文


汝州總圖



汝州之圖



魯山縣圖



北

邑儀壇

城古大

琴臺

青條橋

桃花店舖

王家店舖

近水舖

向陽舖

東

義場

瑞雲觀

泰山

山川壇

鹽

南

桂壇

敬馬嶺巡檢司

標山

溫泉寺

小古城

陳河舖

國庫舖

城隍廟

文廟

縣學

儒學

南關

縣公館

魯山縣


鹽關

關帝廟


布政司

按察司

寶豐縣圖



伊陽縣圖



汝州志卷之一



江陰承天貴編輯

鄆城徐資校正

沿革

汝州禹貢豫州之域周為王畿之地春秋時戎蠻子之邑後為楚鄭二國之境戰國屬韓秦屬三川郡漢屬河南潁川二郡始名梁縣後漢因之三國魏晉屬河南舞陽二郡後魏屬汝北魯

汝州志卷之一

陽二郡東魏置北荊州後周改和州屬南襄城

郡隋初置伊州煬帝初始改為汝州尋改襄城

郡治承休縣唐初復為汝州改承休為梁縣天

寶初改州為臨汝郡屬河南道領縣七

梁葉襄城

魯山龍興臨汝乾元初仍為汝州五代梁為防禦周廢

臨汝縣宋為輔州政和五年陞陸海軍節度屬京

西北路建炎元年歿於金廢軍州縣仍舊隸河

南路元改屬南陽府領

梁郊三縣

國朝洪武初以梁縣省入汝州領縣二仍屬南陽府成化甲午巡撫副都御史張公瑄

奏請析汝州東南境復置寶豐縣西南境復置伊陽縣共領縣四成化丙申巡撫侍郎原公傑以州治去南陽遠

奏請改隸布政司

四縣編戶五十九里並同

郊縣

在州治正東九十里本楚公子郊敖封邑春秋

汝州志卷之一

二

屬鄭後入於楚為邊邑戰國屬韓秦漢並屬潁川郡始名郊縣東漢省三國魏復置屬襄城郡後魏改龍山縣東魏以縣置順陽郡隋開皇初改曰輔城縣大業四年又改郊城縣屬汝州唐屬臨汝郡五代仍舊宋金並屬潁昌府元至正三年廢縣為鎮隸梁縣大德八年改鎮復為郊縣屬汝州隸南陽府

國朝因之編戶五十五里

魯山縣

在州治正南一百三十里夏后時劉累醢龍懼
罪逃於魯此其故地春秋屬鄭後為楚地戰國
屬韓秦屬潁川郡漢始置魯陽縣屬南陽郡東
漢因之三國魏為廣州晉復置縣屬南陽國後
魏置樊州尋廢立魯陽郡又置魯州隋初改為
魯縣屬襄城郡煬帝末始名魯山唐武德二年
廢俄以魯山漁陽復置魯州貞觀乙未州廢省
漁陽以縣屬汝州五代宋金元

國朝並仍舊編戶五十里

寶豐縣

在州治東南九十里本春秋鄭地後入於蔡戰
國屬韓秦為應國地漢為父城縣屬潁川郡東
漢至隋皆因之唐武德間析郟城縣地為武興
縣神龍乙巳改為中興縣又改為龍興縣隸汝
州宋宣和己亥改為寶豐縣金因之元廢縣為

鎮立巡檢司

國朝洪武初並革成化甲午復置寶豐縣屬汝州
編戶三十八里

伊陽縣

在州治西南九十里古陸渾戎之地戰國屬韓
秦置新城縣屬三川郡兩漢因之三國屬魏晉
改新城復為陸渾屬河南郡唐置伊州陸渾隸
焉先天壬子罷州改陸渾為伊陽縣隸河南府

宋紹興己未改伊陽為順州泰和辛亥復為伊
陽縣元改為嵩州屬南陽府

國朝洪武初改為嵩縣屬河南府後廢為鎮成化
乙未復置伊陽縣改隸汝州編戶三十一里

郡縣表

唐	汝州	邙縣	魯山縣	寶豐縣	伊陽縣
虞	豫州	豫州	豫州	豫州	豫州

夏

豫州

商

豫州

周

豫州

春秋

戎蠻子之邑亦楚鄭二國之境

屬鄭後入于楚為邊邑

屬鄭後為楚地

屬鄭後入于蔡

陸渾戎之地

戰國

屬韓

秦

屬三川郡元年遷西周公於愚狐聚七年遷東周君

屬潁川郡始名郊縣

屬潁川郡

為應國地

置新城縣屬三川郡

汝州志卷之一

五

西漢

於陽人聚即此地也
屬河南潁川二郡始置梁縣

始置魯陽縣屬南陽郡

為父城縣屬潁川郡

東漢

屬河南舞陽二郡

省縣

魏後置縣屬襄城郡

屬魏為廣州

屬魏

改新城為陸渾屬河南郡

晉

南北朝

後魏屬汝北魯陽二郡東魏置北荊州後周改和州

後魏改為龍山縣東魏以縣置順陽郡

後魏置樊州尋廢立魯陽郡封功臣於此為郡王後